

息齋集
辰



息齋集卷之三目錄

賀大宗伯胡菊翁晉秩并介壽序

祝介存趙公暨配顧孺人六表雙壽序


祝趙介存七表壽序

祝方伯陸中台暨夫人王氏七表雙壽序

壽柯太翁楚蘅六表序

壽王太翁七表序

壽少司馬李梅公七表序



息齋集 卷三
壽太司寇少傅瀛洲劉公序

壽戴母李太夫人序

壽胡母張太夫人六表序

壽張母馮太夫人七表有七序

壽姜封翁紫環先生六表序

祝壽翁佟藩臺榮誕序

講筵恭紀讚

關夫子讚

賜章紀畧跋

跋鐵山王公歸里贈冊後

跋珠藤倡和卷後

題馬遇伯負母避溺圖

題禪客水竹圖

跋柳敬亭傳

沈母王氏節孝編引

跋沈賁園海宴亭賦

跋平遠堂記

息齋集卷之三

松陵金之俊豈凡著

賀大宗伯胡菊翁晉秩并介壽序

古者賢公卿所為享大名顯當代而聲施後世流聞
 無窮者非徒以其秩位之崇隆也必有涵泳古今發
 舒川嶽之才以彰其靈異必有收攬英雋楷模後學
 之識以尊其師說必有純孝懿節常變弗渝之操以
 敦其根本必有制禮作樂坊民易俗之業以黼黻之

息齋集 卷三
治平而恢張其作用又必有致虛守靜歸根復命之
學以洞燭夫吉凶憂患之數而超然自得于進退存
亡之外合是數者以求其人殆不數數見也茲于吾
菊翁先生見之矣先生產西蜀臞骨峻峻峨眉雲棧
之嶽崎也靈襟灑灑瞿塘灑灑之蕩滌也文心磊砢
而多姿司馬三蘇氏之雄偉奇宕也嘗讀其譯峩籟
甄奧賦舉全蜀之山川人物爲之盡開生面長楊上
林未足多也先生其一代之文人乎先生起家翰苑

宗匠海內往者一較南宮一典浙闡至今借才異代
中外林立

龍飛酉戌間遷學士爲三館師典型屹然先生其一代
之師模乎戊子冬聞太夫人變傷心亂離倍篤孺
慕奉

溫詔宅憂京邸如生如存爲定爲省晨夕靡有寧居先
生其一代之純孝乎辛卯三月起佐典禮是時
皇上復辟之初邦禮繁重得先生悉襄厥成今春知貢

舉甫撤棘卽有大宗伯之命蓋

聖天子銳意禮樂之興不待百年行將辨等威易章服以定民志而一海宇非夙夜寅清之先生不可先生其一代之秩宗乎余又嘗讀先生原易夢易二編發前人未發之秘直欲起羲聖而晤對討論于一晝未剖混乎太極之始宜其歷吉凶而恒凜蒙憂患而不惕也先生其一代之至人乎古者享大名顯當代之賢公卿炳美史冊者其何以加焉抑吾又聞之先生

嘗泊舟巫峽遇異人授素書其秘雖不盡宣然先生年及耳順紫氣皓彩勃溢方瞳眉宇間當必有進于保合太和各正性命之旨豈止從棗花桃核得赤松黃石之符已哉今孟夏二日爲先生初度又適屆新膺

簡命之期凡蜀之士大夫仕于朝者謀所以祝之而徵言于余余何能文其亦以仰止佩服之私聊叙先生之概而因以見先生之所爲可祝者蓋非一端也

方是胡先生文字入壽一則不借外來語尤合拍

百史先生評

祝介存趙公暨配顧孺人六袞雙壽序

順治丙申嘉平月爲吾邑前行取惠安令介存趙公暨配孺人顧氏六袞雙壽其仲子中翰君元康諱申祈者向余請曰吾父吾母皆欣逢初度之辰祈以書生新繫職守日珥筆從木天諸公後躑躅瀛洲亭畔弗獲馳歸里門偕吾兄弟子姪拜舞一堂捧二人觴竊念吾王大父而下與先生世好勿替願惠之一言郵而致之以逭吾不遑將父將母之愆余曰微君請

息齋集 卷三 四
余固不能已于言也。度君家之戚里族黨誇耀其詞章效華封人三祝以進者。夫且塞耳炫目更何俟。余言余第言公與孺人之所以宜壽者。政未可量而已。憶余垂髫時卽獲交于太翁伯。雖先生文章知己相得歡甚。繼余入仕版。始與公交。因而知公最悉。當丙辰闈難突發。太翁忍冤不自伸。公時方弱冠。有傑士名徒。跌入京。百計護之以歸。嗣太翁授經西湖。及門之盛逾于安定。已而師說彌尊。且廣。又布席燕晉魯。

衛宋趙間。凡太翁所之。公皆從焉。蓋遊學其名。而侍省其實也。丁卯公奏賢書。未幾太翁又以名盛被誣。幾罹不測。時廠衛邏卒甚嚴。卽長安一二知交。莫敢援手。公日夜號泣。都市見者聞者。靡不流涕。乃所司阿權要意。將深文羅織。公曰。我丈夫也。獨不能爲緹縈女子乎。于是灑血伏奏。惻然動上心事。乃得解。太翁不幸而負此奇冤。又何大幸而賴有此令子也。丁丑公成進士。適值太翁花甲。初週錦歸。侑觴剝極。而

息齋集 卷三 五
復一時艷爲盛事云公初仕令長沙邁太翁艱再任
補惠安兩地俱以最報天官考績贈太翁如公官甫
啓事爲行取冠會鼎革中寢時南中屢勤徵召公堅
卧不應夫松栢之歷千百歲而不與萬卉俱剝落者
以其飽霜雪謝華郁根莖枝葉皆含苦味故植本貞
固卒享大年今公之篤摯于天性而歷盡艱辛絕意
于仕宦而遺榮若浼不啻飽霜雪謝華郁而植本貞
固之松栢也此公之所以宜壽者政未可量也公配

孺人顧氏出自我吳望族闡德醇備大家之慧歟孟
光之順歟鄧曼之能而孟母之嚴歟敬姜之勤約而
叔敖母之仁慈歟無不該而有之當公周旋太翁于
患難之時四方奔馳不遑內顧孺人事姑顧事祖姑
皇甫盡志盡物咸得歡心以至居妯娌待姬媵課兒
女御內外臧獲嗃嗃雍雍整若朝典真所謂婦道而
兼子道母道而兼父道者哉近且虔事薄伽棲神極
樂置家事不復問然則孺人之茹苦遺榮而植本貞

息齋集 卷三 六
固亦猶之乎公也。此孺人之所以宜壽者。政未可量也。而况子若孫繩繩兮。振振兮。或綰綬承明之廷。或蜚聲藝林之圃。科名克紹。前武勛業。聿彰後昆。則子若孫所以致公與孺人之宜壽者。又豈有量也。余之所爲祝者。如此。不敢有溢詞于其間。請元康函此以質之兩尊人。其必燦然色喜而爲之連舉雙爵乎。

趙介存七袞壽序

康熙五年歲次丙午嘉平二十有七日。爲介存趙公七袞攬揆之辰。吾郡邑之縉紳戚友。徵余言爲壽。余雖年益邁。筆益枯。其何能以不文辭也。憶歲在順治十四年丙申。公方登六袞。時余待罪綸扉。公次君元康。亦相與珥筆共事。弗獲馳歸。捧觴屬余一言驛詞。致祝。余猶記詞無誇誕。不過紀公之事親居官立身。行已生平梗概。有如松栢之飽雪霜。謝華郁根莖枝。

息齋集 卷三
葉皆含苦味。植本貞固。應享大年。云爾。迄今荏苒十
年矣。余蒙恩

予告偃息。丘園適與公比屋而居。又值公七袞大慶。余
不覺歎流光之如駛。而竊喜公之鏤鑠倍常。余亦差
強健。似乎我兩人者。皆勝十年以前也。能不奮然執
筆。仍勿誇誕其詞。而以質言祝乎。公自絕意仕進。以
來不事家人。生產不作兒孫。馬牛旗鼓詩壇主盟。奕
社糟丘麴里。時時往來。託興其間。詩效淵明。有和陶

飲酒詩集。謂其喜貧相似。喜酒相似。嘯傲東軒。聊得
此生相似。公之真率高邁。性情與諧。非若世人之倣
陶集。陶僅僅于聲口。追琢間比擬肖似而已也。至于
花晨月夕。無不與余連袂銜盃。問水尋山。無不與余
扶筇縱屐。余謂老友中之至今少。而韻者莫過于公。
公亦謂老友中之不服老。而差強人意者。亦莫過于
余。終日徜徉以逍遙。共遊羲皇之世。宜乎公之愈少。
而余亦未老也。雖然。公尤有不可及者。蕭然一室中。

不啻吸露餐霜而養高彌甘。礪守彌貞。余十年前所
稱根莖枝葉皆含苦味。故植根堅固。應享大年者。依
然猶昨也。公之爲壽。更復可量哉。而况子若孫之繩
繩振振。益未有艾。將來之躋華廡而奮扶搖。所以發
榮松柏之勁幹者。正如日方升。又何必別綴繁詞。拾
華封餘唾。以介景福于千秋也。請公快讀。余言而進
爵無算。

祝方伯陸中台暨夫人王氏七袞雙壽序

順治十有二年歲乙未中冬長至日。余年家子陸紫
電青印伯仲兩孝廉。爲其尊人中台方伯公暨夫人
王氏。俱于明年丙申歲登七袞雙壽。預徵余一言爲
祝。蓋謂余與公生同里。仕同籍。齒又肩隨。凡四十年
間。相與踐歷。中外飽升沉。閱滄桑。而歸然獨存者。通
郡止我兩人。習之久。則知之真。知之真。則祝之爲詞
也。必實而不誣。此兩孝廉屬余之意。甚勤懇哉。余雖

不工華封言其何能辭憶公起家水部郎以至累官
大方伯其存心制行及施于有政則公之所以致祝
于○人○者○蓋○非○一○日○矣○請○得○而○頌○其○實○可○乎○公○初○任○權
荆關時楚雖全盛會奢酋叛蜀商旅之出蜀者頗嬰
艱阻公一以寬簡恤之而荆商祝迨尚書郎秩滿出
守福州廉平著聲而福民祝尋以太守卓異叅藩兩
浙惠澤淪濡猶之守福而浙民祝繼秉藩臬于蜀豫
晉趙所至見德所去見思爭爲畫象立祠而蜀豫晉

趙○之○兵○若○民○無○不○祝○時○巖○疆○亟○需○樞○督○群○推○轂○公○公
獨念兩尊人春秋高堅請終養遂棄軒冕若敝屣自
是跼伏田間婆娑澗谷日與龐眉父老鳩筇倚徙未
嘗一廁跡公門其有族屬三黨力不能婚嫁肄塾者
公悉緩急之無稍吝而宗族戚里之人無不祝故曰
公之所以致祝于人者洵非一日也宜乎景福駢臻
休嘉萃集有夫人焉齊眉冀缺梁鴻未方其匹有子
若孫焉聯芳接武五桂三槐罕儷其儔孫又有子焉

如蘭之抽如玉之茁而繩繩乎未艾每至雞鳴問寢
環榻相向纍然莫辯誰何猗歟盛哉華封之言公備
有其事矣余更進何辭以爲祝哉雖然余嘗讀陶靖
節詩而乃知所以祝公矣靖節有詩曰嘯傲東軒下
聊復得此生善夫此生之得顧在嘯傲東軒下也今
夫人盡有生或相馳相逐于利祿名譽之場而勞其
心焦其思或相傾相軋于戈矛劍戟之內而櫻其寧
滑其和肺腸不爲已有耳目盡爲人役則此生之失

而不能得也比比是矣公自抽簪解組以來嘯傲東
軒將踰二紀方且視天地如芻狗萬物如蜩翼世事
如傀儡求所爲勞其心焦其思者無有也櫻其寧滑
其和者無有也惟以清泉白石好鳥時花爲娛視悅
聽之具墳典丘索子史百家旁及竺氏書爲怡情養
性之資彼五賊七鑿爲吾生之蠹者公悉有以杜之
公真可謂得此生矣昔彭商得之而歷算八百子房
得之而友赤松四皓得之而採芝商山鄴侯得之而

白○衣○帝○側○凡○皆○以○得○此○生○也○以○此○祝○公○庶○幾○其○實○而
 不○誣○有○以○答○兩○孝○廉○殷○勤○屬○余○之○意○乎○余○羈○跡○燕○邸
 弗○獲○偕○同○里○姻○朋○躋○公○之○堂○親○捧○雙○爵○以○進○敬○南○向
 拜○手○而○高○吟○靖○節○之○詩○云

壽柯太翁楚蘅六袞序

順○治○十○有○三○年○歲○次○丙○申○嘉○平○朔○為○給○諫○柯○君○太○翁
 楚○蘅○公○懸○弧○之○辰○適○當○甲○子○一○週○蓀○蘭○繞○膝○琴○瑟○齊
 眉○鄉○邦○榮○之○比○給○諫○君○荷

聖○明○臨○軒○親○擢○畀○以○獻○納○重○寄○方○任○天○下○之○責○議○天○下

之○事○將○日○立

殿○陛○之○前○與

天○子○衡○是○非○與○九○卿○百○執○事○爭○當○否○得○失○弗○獲○暫○請○休

沐○馳○歸○捧○觴○不○禁○雲○樹○依○依○一○時○同○里○姻○友○官○長○安○者○皆○以○給○諫○君○遙○祝○太○翁○之○心○爲○心○謀○介○詞○以○致○之○而○謬○屬○於○余○余○與○太○翁○夙○附○梓○戚○凡○太○翁○立○身○制○行○宦○遊○里○居○卓○然○爲○物○望○所○歸○者○得○之○見○聞○頗○真○誼○何○能○辭○請○先○言○太○翁○之○所○以○自○爲○壽○者○徵○其○理○之○不○爽○如○日○方○升○政○未○可○量○而○後○言○給○諫○君○之○所○以○爲○太○翁○壽○者○非○復○世○俗○之○壽○其○親○可○比○也○太○翁○弱○冠○登○賢○書○屢○躋○公○車○爲○孝○廉○十○有○六○載○闔○戶○讀○書○足○跡○不○接○官

府○惟○爲○善○於○鄉○如○恐○不○及○粥○饑○者○衣○凍○者○療○疴○者○樵○斃○者○扶○良○獎○善○排○難○解○紛○鄭○公○之○號○可○以○稱○鄉○彥○方○之○名○至○於○化○盜○則○太○翁○天○性○仁○厚○不○受○人○損○其○所○以○自○爲○壽○者○一○也○成○進○士○觀○政○京○邸○聞○其○尊○人○微○恙○輒○潛○然○曰○功○名○本○爲○榮○親○親○有○疾○忍○弗○顧○乎○遽○策○蹇○歸○周○旋○牀○下○奉○侍○藥○餌○溽○暑○中○蚊○蚋○攢○肌○目○不○交○睫○未○嘗○刻○懈○於○是○通○國○以○純○孝○稱○無○間○於○其○戚○里○族○鄰○則○太○翁○克○全○百○行○之○首○宜○享○天○佑○其○所○以○自○爲○壽○者○二

息齋集 卷三 十一
也○司○李○建○寧○務○寬○大○廉○靜○與○民○休○息○不○以○威○稜○鍥○急○
博○風○力○名○讞○獄○遇○有○矜○疑○必○宛○轉○求○生○或○伏○其○辜○必○
歛○歔○累○日○于○公○之○陰○德○不○疑○之○平○反○張○廷○尉○之○不○寬○
太○翁○皆○有○焉○攝○郡○邑○符○所○在○見○德○所○去○見○思○臺○使○者○
交○章○推○轂○行○取○第○一○歸○之○日○清○風○兩○袖○圖○書○數○卷○建○
寧○父○老○遮○道○攀○轅○爭○爲○畫○像○立○祀○至○今○尸○祝○不○衰○此○
太○翁○之○福○澤○及○民○其○所○以○自○爲○壽○者○三○也○會○寇○亂○絕○
意○仕○進○躬○耕○著○書○吟○咏○竟○日○一○切○榮○祿○寵○利○馳○騫○紛○

擾○劇○情○斧○性○之○具○廓○然○無○有○及○給○諫○君○成○已○丑○進○士○
除○棗○令○太○翁○欣○然○曰○親○民○之○官○行○善○種○德○爲○最○便○貽○
書○諄○囑○潔○已○愛○民○而○外○語○不○及○他○給○諫○君○佩○服○義○方○
遂○爲○循○吏○冠○叨○

賜○衣○異○數○特○簡○今○官○則○太○翁○之○提○躬○訓○子○一○軌○於○道○德○
仁○義○其○所○以○自○爲○壽○者○四○也○歲○辛○卯○大○禘○邑○之○同○善○
鄉○先○生○經○畫○賑○濟○不○遺○餘○力○全○活○饑○民○無○算○舉○青○州○
遺○法○義○田○良○規○一○一○徬○而○行○之○則○太○翁○旣○已○積○厚○流○

息齋集 卷三
光○乃○流○愈○光○而○積○之○彌○厚○其○所○以○自○為○壽○者○五○也○若
夫○給○諫○君○之○所○以○壽○其○親○者○余○更○得○而○申○言○之○今
天○子○圖○治○若○渴○欲○聞○正○議○而○受○讜○言○以○計○安○黎○庶○卽○古
帝○王○懸○輶○止○輦○茂○以○加○矣○給○諫○君○抒○忠○殫○赤○仰○報
聖○明○特○達○之○知○行○且○建○一○議○而○造○四○海○無○疆○之○福○規○一
事○而○貽

朝○廷○萬○世○之○利○於○以○凝○嘏○集○祉○於○太○翁○豈○猶○夫○盛○陳○筐
篚○玉○帛○虔○修○醴○齊○鼎○牲○徒○為○繁○縟○靡○文○以○介○壽○高○堂

誇○榮○里○閭○已○哉○故○曰○太○翁○之○自○為○壽○者○理○有○不○爽○政
未○可○量○而○給○諫○君○之○所○以○為○太○翁○壽○洵○非○世○俗○之○壽
其○親○者○可○得○而○比○擬○萬○一○也○長○安○諸○縉○紳○先○生○聞○余
言○唯○唯○曰○此○以○質○言○祝○非○以○諛○言○祝○也○殆○祝○之○善○者
也○敬○南○嚮○拜○首○而○為○太○翁○與○太○母○俞○孺○人○遙○進○雙○爵
焉

此項因... 太翁與太... 人... 數...
... 以... 言... 夫... 以... 言... 孫... 公... 太翁...
... 也... 具... 山... 餘... 地... 式... 主... 開... 余...
... 里... 官... 不... 喪... 效...
... 公... 人... 壽... 王... 公... 太翁...

壽王太翁七袞序

歲壬辰王正二十有九日為大金吾文孫王公太翁
貴真先生七袞懸弧之辰維時繞膝稱觴者女甥而
外子若孫以暨孫之子凡九人焉或秩晉宮階或職
司專闡或發軔于李官或蜚聲于辟雍簪紱之盛天
倫之樂為一時中外所艷稱于是朝列諸大夫爭執
爵介壽而徵言于余以余與先生之長君大金吾同
朝八載相得甚歡習知先生之德厚流光有為之後

者矣。又以余與先生之尊人大冢宰射翁先後起家
中翰。猶及覩其立朝丰采。由卿貳游陟公孤。道德事
業炳赫前代。習知先生之家世淵源。有爲之先者矣。
夫有爲之先者。則先生之獲佑于天。不自其身始也。
而況及其身乎。夫有爲之後者。則先生之集福于世。
又不自其身止也。而況當其身乎。余請得而申言之。
先生少讀父書。能文章。藉藉鬢序間。凡八入棘闈。弗
得志于有司。會太宰公以勛秩並懋。得文武廕。先生

長應襲讓不就。以明經訓廬江之合肥。敦崇教化。造
就人才。至今肥庠稱有師。首先先生焉。尋擢雲中廣靈
令。所以治民者。一如其莖士。不媿古循良吏。因念太
宰公春秋高。遂乞終養。繼以讀禮。故哀毀逾節。竟失
明入。

清朝以覃恩晉封如子官。目忽重明人。咸謂先生純孝
之報云。然則太宰公之豐功偉伐。當年食報未盡者。
既留餘以遺之。先生大金吾之克振箕裘。今日履綏

方茂者又輻輳以致之先生而先生以一生苦志績學僅奮跡明經終其身爲賢邑宰而止辭延世之榮膺追孺慕之高風是先生之取諸天者嗇矣宜如何以豐其報先生之積諸躬者備矣宜如何以彰其應則三多九如之頌未足爲先生侈也亦曰觀于其爲之先者爲之後者併先生所以居先後之間者而先生之遐算未有卜已諸大夫皆曰善遂以是爲先生觴

肥庠稱有師及不愧循吏贊歎王公只數語耳若俗手便衍作數十行矣此文章簡妙處王司馬號雄于文者四部稿中作徐太僕序云內有真際外無真境張肖甫云境有所未至調有所未安史漢之文恐無此等句法讀此文詳略而不以爲史漢之文必不知文者也

百史先生評

壽少司馬李梅公七袞序

今上龍飛之三年歲次甲辰仲冬十有四日爲豫章少
司馬梅公李先生七袞攬揆之辰其兩嗣君文學維
介孝廉維饒不遠數千里馳使致詞徵余言爲壽蓋
謂余與先生皆以患難餘息委身夫生之壽以歸
本朝共事歷有年所相得甚歡凡先生之立身本末居
官梗槩所以凝麻襲慶享有純嘏者惟予習之最深
知之最悉余又何能以不文辭也先生起家大行著

息齋集 卷三
望輜軒會丙寅丁卯間璫燄薰天之日抗節沮祠繼
而澄清流品聲震典銓其貞松勁栢耐寒暑而傲霜
雪不與萬木群卉同其榮落之象固已想見一斑矣
更以余所得之朝夕周旋而益信先生之存心制行
偉績高風有合于天地悠久之道者宜先生之膺壽
無疆也請爲之申其說可乎憶甲申歲

本朝入主函夏時方經營草昧盡人得効芻蕘佐石畫
先生由冏卿歷奉常每發一議弘博長厚有裨開國

規模一時三事大夫暨百執事爭心折之已而余承
乏中樞先生亦游陟樞右凡所爲招攜懷貳仰宣

朝廷威德以收賓服遐荒之效者惟先生是賴蓋先生
于山川險易敵情虛實人心向背之故靡不燭照而
數計故羽書沓至余方注思而先生已脫于口余甫
啓口而先生已逼于腕舉折衝遠畧濡毫立就俾余
得拱手受成而倖逭官謗者皆先生之賜也此先生
正色立朝之日不沾沾規目前而惟爲

國○家○計○久○遠○其○有○合○于○天○地○悠○久○之○道○者○宜○壽○一○也○逮
宦○海○忽○波○卽○夙○夜○飲○水○如○先○生○幾○不○免○顛○躓○者○再○卒
之○風○回○波○靜○水○落○石○出○于○先○生○無○毫○末○之○損○而○反○有
丘○山○之○重○自○是○抽○簪○解○組○嘯○傲○江○山○中○外○之○屬○望○雖
殷○先○生○之○肥○遯○愈○堅○矣○惟○以○清○泉○白○石○好○鳥○時○花○爲
娛○悅○視○聽○之○具○而○耳○目○不○爲○人○役○也○讀○書○賦○詩○訓○子
課○孫○爲○怡○養○天○和○之○資○而○肺○腸○盡○爲○已○有○也○此○先○生
高○卧○東○山○之○日○已○曠○觀○天○地○如○芻○狗○萬○物○如○蝸○翼○世

事○如○傀○儡○求○所○爲○櫻○寧○斧○性○者○毫○無○有○焉○其○有○合○于
天○地○悠○久○之○道○者○又○宜○壽○一○也○至○于○先○生○賦○性○孝○友
宅○衷○仁○厚○春○風○與○物○秋○氣○禔○躬○爲○善○惟○日○不○足○德○人
惟○恐○人○知○此○皆○天○地○悠○久○之○道○綿○亘○于○先○生○之○舉○心
動○念○間○其○爲○壽○攷○無○疆○又○非○止○一○端○而○已○也○若○夫○仁
人○有○後○兩○嗣○君○聯○芳○接○武○克○紹○勲○名○以○爲○先○生○添○籌
無○算○者○余○又○何○能○測○其○限○量○哉○請○以○是○捧○觴○而○進

乎我

皇上堯仁如天○惟刑之恤○念人命至重○死者不可復生○斷者不可復屬○非得廉明公正○謹厚寬平之君子○無以除酷吏刻深之習○而消陰陽沴盪之災○遍察廷臣○中惟公克勝厥任○乃公自膺

簡命來日以

聖主好生之心○爲心每慮一囚反覆○服念務于詳徹○遇有冤抑○則亟起而奮筆理之○如拯溺救焚之○不遑再

計萬一情窮于法○開釋無路○則爲之展案咨嗟○觀其容嘗累日愁慘不舒○以故公所全活者甚衆○人多莫之知○而所屬諸司亦皆以公仰體

聖主好生之心○爲心故一時司寇之堂○多良平稱職○獄少冤濫○爲中外所艷稱○云昔定國父于公閭門壞○父老共治之○于公曰少高大門閭○令容駟馬高蓋車○我治獄多陰德○子孫必有興者○又歐陽永叔之父崇公○嘗夜燭治官書○屢廢而歎○母問之○則曰此重獄也○求

其生不得耳。求其生而不得，則囚與我皆無恨也。母告永叔曰：其心厚于仁者，吾知汝父之必將有後也。嗚呼！公治獄多陰德，有類于公；心厚于仁，有類歐陽崇公。是以天道福善，今古不爽。公中年尚艱，嗣迨年近六旬，連舉丈夫子三，皆生而岐嶷，穎異不凡。所謂子孫必興仁者，有後直券而取之耳。他日卿相接踵，朱紫盈庭，公泰然食于歐二公之報，由耆而耄，由耄而耄，而期頤而大齊，固其所矣。又何必覓三芝，問五

石進洪，厓安期，羨門之徒，而與之役。金童驅姹女，希養生家之大還，久視哉！故曰：公之爲司寇也，有合于曾論仁壽之說。壽其

國。迂無疆之祿也。壽其民，遊化日之長也。皆仁者所以自壽也。請以是祝公可乎？諸君曰：可矣。遂相與捧爵而前。

百

壽

壽李母宋太夫人七袞有八序

今上五年戊子秋七月七日爲少司馬五絃李公母夫

人七袞有八懸悅之辰公以中樞鞅掌未獲戲綵北堂先期引言徵詞介壽其言曰我母宋氏本名族年十六于歸會我大父之病劇也朝夕侍湯藥衣不禡帶者百餘日大父于彌留之際嘖嘖有孝婦之稱繼而奉養我大母也滌滄卮匱等必躬必虔二十餘年無刻懈及我先君子委衣哀毀逾節自茲長齋志戚

又十年來如一日生平無疾言遽色接宗親御臧獲
一本以寬和仁恕余讀其言起而嘆曰太夫人之克
嫺婦則而孝行著稱于闔內有如此乎太夫人之克
敦母儀而溫柔懿範洽聞于宗黨內外有如此乎是
卽魯侯燕喜之詩所頌令妻壽母矣公之言足以爲
太夫人壽矣何俟余言哉雖然此太夫人之自爲壽
也而人亦知公之所以壽太夫人者乎公起家吳興
司李能聲著甚未嘗察察闕闕以市名譽公守介而

性仁凡寒士貧民之不能衣且食葬且婚者悉有以
資給之而治獄尤多平反所全活者不可數計迄今
吳興士民猶有望峴山而緬然而思者不減昔年羊
公之仁之見思于襄陽也此公之以陰德壽其太夫
人者余固聞且見之于其爲司李時也而公累官至
今其所行陰德尤有出于余見聞所不及者不知其
幾也然則太夫人固自有以爲壽而又有公之所以
壽太夫人者其算寧有艾哉公又何必以萊衣千里

息齋集 卷三
未能縮地捧觴爲快快也哉公既以仁存心則第仰
泰岱而祝岡陵顧東海而賀添籌可矣甚矣惟仁者
爲能壽其親也余于公爲部氓又前後同官也知公
頗深故知公太夫人之壽無疆謹拜手執爵爲之序
而因以告天下之欲壽其親者

與胡夫人壽有同異皆屬有道質言可史可傳

百史先生評

壽戴母李太夫人序

歲戊子長至日太史李辰玉過予而請曰吾大母戴
氏春秋八十嘉平月之念有四日爲設帨之辰不肖
叨列史館未獲偕吾父及昆弟稱觴堂下願得先生
一言郵致之爲壽余辭曰余素不善誦且崇岡茂陵
日升川至之語溢于大夫庶士之口者子足以壽大
母矣何取余言太史君曰不肖之有請于先生者毋
以諛言祝願以質言祝也余曰若是則余何敢辭哉

昔史遷嘗自稱云予于某善故得聞云云予于某之
子某之孫善又予嘗過某處見長老某某云云大約
言必據實則其人其事可傳而其言亦因之以傳也
余請以質言爲太夫人酌而祝焉可乎太夫人出吳
江望族余吳江人也耳熟家世余兒世濂又與太史
君有同譜誼得朝夕過從甚友善又金陵士大夫之
在朝者艷稱里中門第必以李氏閨懿爲法如出一
口余是以知太夫人者頗悉而所以爲太夫人壽者

不敢以諛而以質也太夫人于歸思雲公其善相夫
子克事舅姑柔儀令則無間于妯娌戚黨者不具論
憶思雲公捐館幾二十載太夫人秉家督內外肅然
有丈夫子二蜚聲庠序俱以博學篤行稱長卽太史
君封翁皆太夫人之教也孫男子五悉有能文名季
卽太史君力學好古傑然負他日讀書宰相之望又
皆太夫人之教其子及其孫也余因是而羨太夫
人之善自爲壽也夫令母之壽孰有大于訓子課孫

世爲文學顯人又有登石渠金馬之堂而梯榮膺于
未艾流令名于無窮使天下之人咸推其所自以歸
美于母德乎余因是而又羨太史君之善壽其大母
也有封翁修甫公率其子若姪戲綵堦前稱千秋觴
而太史君服官在

朝于珥筆承明之暇驛詞致祝悅封翁之心以轉悅太
夫人之心則凡爲孫之壽其大母者孰有過于太史
君乎且時方欣遇配位覃恩太史君請

制詞壽其父若母以轉爲太夫人壽其光寵何如又奚
借親知誦言爲哉余顧不敢繪西池之圖述南山之
頌誇東海之咏侈北斗之杓以諛言祝而以太夫人
之能教其子若孫以有成之質言祝也言雖不文亦
庶幾史遷氏之據實云

教子若孫一案衍成機法前後援引序次皆本分
所應有無近時掇拾之病此等文望而知爲吾友
豈凡先生矣

百史先生評

息齋集 卷三
若斯其謹嚴歟。豈事在閭井民庶之間。茂從赴告。故不得書。而諸侯公卿夫人。素範于禮。而習于訓。宜于節鮮有弗全者。亦竟寥寥無足紀歟。抑節之難全也。自古爲然。歟。求之今日。則惟胡母張太君有焉。太君爲予袞。胡太史大母。戊子嘉平月念日。太君開六袞。適予袞。自楚典試歸。予袞尊人機石公。又晉秩京朝。官太君子若孫。懽聚一堂。舞斑上壽。真一時盛事也。同朝諸縉紳。謀所以酌而祝之。而謬屬不文之余。余

于予袞。有一日之長。頗悉太君生平。竊津津樂道其事。其何能以不文辭哉。夫人爭羨太君有子。仕于外。爲廉吏。而以最聞內。擢此爲母者。所不能必得之。于子也。有孫男子三人。皆顯名文學。而長卽太史君。行且彙征多士。對揚

休命。佇膺進賢。上賞。此又爲大母者。所不能必得之。于孫也。天下之爲母者。孰有快于太君乎。天下之爲大母者。亦孰有快于太君乎。可以酌而祝矣。金子曰。

息齋集 卷三
未也○夫○人○亦○知○太○君○自○有○子○以○暨○有○孫○得○致○有○今○日○
者○孤○幃○隻○影○茹○幾○辛○酸○風○雨○雞○鳴○歷○幾○寒○暑○蓋○非○一○
晨○一○夕○于○斯○迄○今○殆○四○十○二○年○所○耶○
夙○嫻○禮○義○年○十○八○于○歸○奇○峰○公○甫○浹○歲○遽○稱○未○亡○人○
時○僅○有○遺○腹○六○月○懷○刃○衣○帶○矢○歿○靡○他○倘○遺○腹○之○男○
女○未○卜○則○太○君○之○自○處○尚○未○料○也○幸○而○舉○機○石○公○太○
君○始○堅○意○保○孤○冀○延○胡○祀○會○家○計○窘○甚○零○仞○不○支○太○
君○日○事○紡○績○爲○教○育○資○卒○使○六○月○遺○腹○卓○然○成○立○而○

且○蜚○聲○仕○路○顯○榮○未○艾○太○君○之○得○有○子○若○此○者○難○乎○
否○也○機○石○公○連○舉○丈○夫○子○三○太○君○又○以○訓○子○之○餘○課○
孫○至○脫○簪○珥○求○師○友○督○之○益○力○予○袞○弱○冠○卽○成○進○士○
讀○中○秘○書○餘○亦○聯○翩○奮○起○太○君○之○得○有○孫○若○此○者○難○
乎○否○也○若○乃○太○君○之○勤○儉○溫○柔○孝○敬○慈○仁○爲○內○外○屬○
之○所○艷○稱○而○無○間○于○婦○人○女○子○爲○懿○德○于○太○君○直○細○
行○耳○然○則○學○士○大○夫○之○所○不○可○及○而○以○艱○貞○之○苦○基○
錫○福○之○隆○者○節○如○太○君○之○謂○也○詩○人○不○勝○采○春○秋○法○

息齋集 卷三 三
得書請以是酌而祝焉太君回思懷刃矢志之日其
必怡怡陶陶爲之舉觴無算乎諸縉紳曰善遂書此
以爲壽

由今追昔讀者於稱觴事見感慨卽此知文生於
情也若近日浮采僞譽不足當揮毫一笑矣

百史

先生評

壽張母馮太夫人七袞有七序

順治八年辛卯夏五二十有九日爲侍御趨正張公
太夫人七十齡設悅之辰時公方新膺

簡命按視畿南北是爲京差例得出入

殿陛便省慈幃公同母弟次君亦以舉業高等承

恩詔來貢于廷一時昆仲懽聚率其孫男女環繞膝前

稱太夫人觴朝列榮之而徵言于余非以余之稚魯
爲能文也以公昔年曾與余共事樞曹昨歲按吳又

以余隸公部下習公爲最深而竊聞太夫人之淑德
懿行著賢母稱克享遐齡于未艾者爲最悉也請得
而申言之太夫人出晉望族馮氏無昆弟以女代子
曲盡孝道且勸父立嗣卒賴以延祀保家消弭族彙
其賢之徵于女德者有如此及于歸公考用吾先生
則又移其孝于張氏之門事孀姑一如其事父母取
與承順必稱所欲食糲衣敝親操井臼相夫子竭力
董帷以理學聞尤助成夫子讓產高誼撫孤姪逾于

子雖晨昏不繼無忤容無怨言用吾先生以五經教
授來學常萃及門至數百人一一爲供爨內有貧無
力者更周恤有加所成就弟子多取科名太夫人之
功半也其賢之徵于婦道者有如此長君趨正公成
進士太夫人初無德色嘗訓之曰做官須爲清白吏
我終其身糲食垢衣有所不辭公恪遵母訓務爲廉
吏初任中牟再調元氏所至有聲所去見思以最奏
轉樞曹尋改御史直冠栢臺歲庚寅奉

命巡按蘇松甫下車。釐奸剔蠹，攬轡澄清。雖未及兩月，適下議撤之令。而小民之蒙其休澤，污吏之惕其霜威者，不啻巡行一週。伊誰之教也？其賢之徵于母儀者，有如此。是以天眷懿德，厚其報施。宜爾貴，宜爾壽。宜爾康寧，宜爾子孫繩繩。振振今日同朝諸大夫，可以為太夫人酌而祝矣。雖然，我儕之執爵而祝，何如中牟元氏歌咏甘棠之民祝之？至今不衰乎？又何如近日吳民之為公畫像立祠，因祝公所自出而願為

太夫人添籌益算者，即億萬戶不止乎？今公又以聖政清明，特簡按畿輔將來首善之交，口尸祝不更有進于中牟元氏及三吳之民者乎？然則公之所以祝太夫人者，至矣。蔑以加矣。非我儕三多九如之諛詞，所能誦揚萬一也。凡為人子而欲壽其親者，一視公之所以為祝，可也。

述夫人賢用三如此，文氣畧一小結，後用推衍法。文有法，所以有情，更不須艱深文淺易也。

百史先

生評

式微以月計更不取職彩文對易也

表夫人賀世三時此文原署一小部對用對

之辭以法

知世而為一也其出入于而為壽其壽一

夫人

世于中

夫人

夫人

壽姜封翁紫環先生六袞序

順治十有五年歲在戊戌王正朔日為吾浙會稽姜封翁紫環先生六袞懸弧之辰其嗣給諫君定庵方晨夕出入瑣闥為

聖

天子獻可替否弗獲暫請休沐馳歸捧觴乃預期徵

燕邸名公卿賡詞致祝而謬屬余為之序余何能文

雖然誼不可以辭也憶余初登仕版備員薇省時先

生太翁太宗伯公方為史官恒望見丰采與聞議論

息齋集 卷三
卓哉鄉國儀型及余徙南禮曹又與先生季父方伯
公同官甚善故余雖未獲交于先生竊耳熟宗伯公
之有令子方伯公之有小阮而私心嚮往非一日矣
余固稔知先生之爲人也植根貞固爲震風凌雨之
所不能撼敷榦華滋爲苦霧嚴霜之所不能摧如青
松茂栢蔚然挺立于群木萬卉中其將來之飽寒暑
歷歲月而未可以限量卜算者蓋有其自也請得而
申言之先生幼而岐嶷弱冠補博士弟子員爲諸生

祭酒名稱藉甚一時癸酉丙子兩闈皆擬冠軍會當
事者以被嫌抑之先生泊如也退而績文著書深造
益力藝苑騷壇首執牛耳此先生以屢試屢蹶老其
材充其識而非若春葩之艷一發無餘液者也顧先
生所不得志于有司者帖括小技耳至于經世遠猷
填胸塞臆凡古今成敗得失之由與夫關塞險阨之
勢士馬強弱虛實之數以及河渠兵農之利病窳會
靡不燭照而數計時明季脊脊多故需才方殷宗伯

息齋集 卷三
公因勸之仕曰汝勿以負所學者負當世先生于是
出而小就補大中丞幕旋以譽望擢起部郎凡所營
建征繕有方中上旨書名屏間旋遣視北河適河涸
漕滯漕河重臣咸束手靡措先生了然有成竹于胸
中爲遡泉源濬衛水以濟輸輓無阻衛河分司之設
自先生始已卯庚辰間齊豫大饑道殣相望先生特
爲捐貲賑救太君錢安人復脫簪珥佐之全活饑民
無算荒政之善無異富鄭公之于青州也自癸未讀

禮歸遂賦考槃無復用世意矣此先生以無所不能
之用小用輒效而試其小用卒藏其大用瀾綸事業
卷而懷之一室福澤顯榮留以貽之後人又非若秋
實之盈候至氣足而易歸隕落者也乃先生則更有
其至焉而覓乎不可及者當

宗伯公曳履承明以逮晉秩典禮強半優游朝署先
生獨侍王母太夫人于家泔灑醲臠之奉罔不勤恪
其代宗伯公將母而曲盡爲孫之道者若此迨萱幃

息齋集 卷三
鶴馭宗伯公高年離索未免傷情而先生竭力承歡盡志盡物至于周旋患難須臾勿間幾忘其爲滄桑之苦先生之曲盡子道者若此歲壬午先生官張秋是年冬濟南失守有叔以藩幕殉乃于此離中多方援嬖氏出又護其孽子歸嗣課讀如已子今且崢嶸爲宗祀光矣先生之篤于本支而能扶存亡繼絕之義者又若此先生世承清白家日貧庭訓愈嚴給諫君綰綬五鹿惟貽書勵以廉且慈慎勿念我二人甘

旨故稍有失墜今給諫君以循良異等膺

特簡著聲掖垣先生之能效其子以有成而克盡父道者又若此是皆人所不可及而先生之所以自爲壽也若夫給諫君之所以壽先生者余更得而頌之前詰有云公論國之元氣也給諫君以光明俊偉之品翊平康正直之運抒公論而培元氣俾

君德清明庶務修舉以保我子孫黎民而君壽而民壽而國與天下俱蒙其壽夫以壽

君壽民壽國與天下者壽其親則爲之親者第遽遽然
衍衍然逍遙于宛委若耶之間婆娑于紅茵翠幄之
下以詠化日而樂大年又何必餌黃獨飯青精餐沆
瀣服刀圭吸日引月熊經鳥伸羨彼洪崖安期偃佺
之流哉余故曰先生之爲人也植根貞固敷幹華滋
有如青松茂栢之挺出于群木萬卉中其爲壽也烏
可以限量卜算然則先生花甲初周與太君錢安人
舉案齊慶其猶嬰之未孩也夫

祝壽翁佟藩臺榮誕序

當今勲舊貴戚爲

天子宗臣入備肺附出填封疆旂常烜赫冠劍舄奕者
天下莫與佟氏京然佟氏不僅世貴又世壽也今我
方伯公之曾大父惟齋公年九十三公考封大中公
年八十三皆以耆碩通德重于時殆所謂廓澤而沛
之纍祥而衍之以交致于永永者矣今方伯公弱冠
登朝敷歷方岳暨憲臬大藩年尚未及壯繇是陟政

思齋集 卷三 奉祝二
府司啓沃。雖荀侍中鄧高密之蚤貴。當莫逾于公。奚暇言壽。而大叅安公以公適屆懸弧。謀舉觴爲祝。屬言于余。余謂壽以福爲先。總不外歛福錫民之說。公身任保釐。凡國課之盈縮。與民生之休戚。惟公是賴。而公強力精心。戴星而臨堂。皇案牘山積。剖決如流。雖巧吏黠胥。旁伺竊睨。不得上下其手。於是蠹弊肅清。向之爲豪猾。侵漁如河南南陽之不可問者。一朝若櫛髮矣。而公又專意愛養。黎元嚴督所屬。不得藉

口功。令歛怨于下。而歸過於上。諸守令畏公之威服。公之廉亦莫不凜凜奉法。凡我吳民。當三空四盡之秋。軍需孔亟之日。不至婦子仳離。靡有寧止者。非公之賜而誰賜也。然則余何必繪西池之圖。述南山之頌。誇東海之咏。侈北斗之杓。以諛言爲祝哉。請以公今日之居官。盡職實有合于天地惇龐淵沃之理。與夫

國家太和至治。薰育之機。其歛福最備。其膺壽宜最無。

息齋集 卷三
疆者申言其故可乎嘗聞之積貯者天下之大命民
非此不康兵非此不强國非此不固山陬海隅非此
不靖且寧公刻刻以

朝廷積貯爲念蝕吾民者芟而去之蠹吾國者剔而培
之業已立天下之大命于不竭之源不仆之基則人
民于焉而壽山河于焉而壽
國祚靈長于焉而壽而公之所以自爲壽者其何可以
限量測度也且匪特此也公遵奉因變陳言之

詔事事仰宣

皇恩嘉惠黎庶而又爲順治十七年奏銷詿誤之紳衿
一萬三千餘人籲恩請命一舒五六年湮鬱沉滯之
氣則又公歛福之餘而添壽之方始也已大叅公與
公晨夕共事知公甚悉因聞余言而輒然曰如是以
爲祝洵質言也非諛言也可以執爵而進矣

王公

歸里

贈册

後

韓昌黎

嘗為文

送楊少尹

援二疏

事以美之

其言曰

跋鐵山王公歸里贈册後

韓昌黎嘗為文送楊少尹。援二疏事以美之。其言曰。吾聞楊侯之去。丞相有愛而惜之者。白以為其都少尹。不絕其祿。又為歌詩以勸之。京師之長于詩者。亦屬而和之。又不知當時二疏之去。有是事否。古今人同不同。未可知也。余讀其文。不覺作而歎曰。吾鄉鐵山王公之去國也。蓋甚有似乎楊君也。安在古今人之不相同也。王公美丰儀。蘊奇畧。其聲譽在前朝者。

息齋集 卷三
不具論順治三年冬補大廷尉多所平反以稱
新朝刑期無刑至意四年春始移少司空未為躡遷而
公且踈然有官不負人人實負官之歉遂疏請去非
愬也蓋將為有位者風也

朝廷亦知公不當去輒聽之去非置公也乃成公風勵
群工之志也于一時同朝諸君子無論識與不識
咸謂公此去可重也相與懷思而咏歌之短什長篇
裒然盈冊余不知當時之歌咏楊君者亦有此盛事

否耶雖然楊君之去歸其鄉時已年滿七十公年方
強仕而遽有此去非有所不得已存乎其間尤為不
可及也已余愧不能繼諸君子後載歌載咏並誌懷
思聊述公去位始末其槩有如此

數為援引懸合古法其中蘊含淺人不能解又不
見不能解之句更奇 百史先生評

其不... 何更... 自... 亦...

... 中... 公... 人... 不... 猶... 久... 不...

... 公... 去... 未... 其... 有... 吸... 吐...

... 文... 也... 日... 出... 去... 非... 休... 而... 不... 斯... 也... 并... 其... 開... 次... 終... 不...

... 浪... 瀾... 然... 豈... 殊... 之... 去... 離... 其... 幾... 似... 已... 平... 燕... 十... 公... 年... 六...

... 跋朱藤倡和卷後

跋朱藤倡和卷後

予觀朱藤倡和卷而重有感于昔賢之居其官者為能稱其職也文部右署之南軒有朱藤二樹離奇糾屈狀若虬龍每夏初花發則冰玉之堂紫霞珠垂清香沁骨長安中誇為一署勝事云攷故事官斯署者皆繇珥筆承明之彥選望而入而以他曹進者什不二三必風度足以師表人倫文章足以藻潤流品然後稱無忝焉戊子首春同官陳百史示予以朱藤倡

息齋集 卷三
和諸詠卷卷首有繪圖一幅則包山陸治筆也咏朱
藤七言近體二章而因追序當年手植之吳文定并
繼文定之王文恪則崦西徐文敏實爲之倡也從而
賡和焉者則顧文康暨湛甘泉夏桂洲等諸公併我
吳文衡山王雅宜伯仲諸風雅名流也余是以一展
卷而重有感于昔賢之居其官者爲能稱其職也使
非諸先達之風度文章卓越一時無泰山公則藤花
開落亦不過流連景光之具亦何足繪之咏之卽有

好事者爲此一供把玩便已索然亦何能令人整襟
歛容肅焉起景仰昔賢之思而迄今幾二百年時移
物換祇覺履斯堂而顧瞻藤花宛喆範之猶存悵遺
徽之難繼也余起家旣非詞苑又以猥品庸材濫竽
茲席其烏能不愧我鄉之諸先達也哉嗚呼卽以是
卷爲昭則戒違彰往勗來之一助可矣

予卷爲同人藏去然已流傳天地間不足懊恨今
又得豈凡先生序後人好事者又可述以增美也

百史先生評

[Faded bleed-through text from the reverse side of the page]

題馬遇伯負母避溺圖

讀史者遇有奇事奇人輒不禁拍案而起為之咨嗟
慨慕恨不獲躬逢其人目擊其事乃余披覽馬遇伯
負母避溺圖而信千古來奇事奇人竟當吾世而親
見之矣往庚辰辛巳壬午年間賊連歲攻汴城城中
窘困易子析骸未方其慘奇患也及賊決河灌汴洪
濤巨浪浴日滔天百萬生靈盡為魚鼈奇灾也此事
之最奇者也遇伯以書生為當事畫戰守計親冒矢

息齋集 卷三
石○挫○賊○解○圍○守○張○巡○許○遠○所○不○能○守○真○奇○謀○奇○勇○奇○
節○也○至○携○六○旬○老○母○併○眷○屬○避○水○巢○屋○巢○覆○幾○溺○復○
負○母○登○筏○勢○不○能○兼○顧○妻○與○兒○遂○棄○之○逝○波○中○而○猶○
力○援○其○兄○之○二○子○二○女○暨○一○友○人○之○子○真○奇○孝○奇○悌○
奇○友○也○此○人○之○最○奇○者○也○嗚○呼○有○奇○人○奇○事○若○此○是○
足○以○傳○矣○可○以○垂○之○史○冊○使○天○下○後○世○相○與○尚○論○流○
連○咨○嗟○慨○慕○不○能○已○已○而○余○又○何○庸○贊○一○詞○焉○

題禪客水村圖

有○村○一○簇○有○水○一○派○亂○樹○交○柯○茅○屋○如○鮓○市○橋○人○跡○
朦○朦○烟○裏○漁○歌○雞○唱○聲○聲○水○底○茂○林○修○竹○會○稽○蘭○亭○
桃○花○夾○岼○避○秦○武○陵○誰○處○其○間○非○隱○非○仙○撥○蘆○啓○扉○
有○衲○高○眠○無○法○可○說○鐘○傳○野○曙○我○欲○從○之○水○雲○深○處○

息齋集 卷三
悟一朝猛圖易轍然後大愜之則自愧天良潸然
宸慈至矣哉

皇上之怙冒羣生卽文王之如傷康誥之保赤未喻其
篤摯而周詳也謹拜手稽首而爲之讚曰

天作元后綏厥蒸民民罔常懷懷於有仁偉歟我

皇恢弘胞與胎慶卵孚罔俾失所天親伊始毛裏恩勤
悼彼敝習愛憎殊分呱呱者女馮夷枉殉何罪何知
殞生如瞬匡俗有憲煩寃宜伸臚陳痛惋以籲闡宸

帝曰吁哉斯非細故滅性傷倫干

天渝怒兵沴爲厲厥有其因不忍宜擴在予一人思昔
芳規解網掩泣每慮要囚用深快悒矧茲嬰孺橫罹
幽沉梟獍未革孰康

天心須飭所司亟釐惡俗怙終弗悛何校莫贖念彼蚩
蚩積染有年戶曉匪易曷望更弦民盡有良性迷斯
隱法禁雖張忍端仍蘊必使悔悟滌乃錮愆秉彛來
復

朕懷則宣父子有親匪假制令保合太和各正性命拜
訓感涕大哉

王言迪迷現性拔本澄源茂對昌期並生是欲天倫永
全弗萌慘毒於皇

哲后所寶惟慈刑賞忠厚咸本仁推詎止天傷幸沾帡
覆痼瘵乃身六合在宥風移俗易速於郵巡功瀾化

育至治立臻惟德動

天嘉祥降卜

天子萬年無疆曆服

關夫子讚

忠義之性光昭日星正大之氣赫奕風霆心翊炎漢

功贊

天庭永護三教恒濟萬靈惠迪從逆罔逃聖聽千魔百
魅莫遁奸形分身塵刹呼醉使醒惟德是輔家國用
寧

天章俯映儒生之藻采讀今大司農滄州戴公賜章紀畧不覺令人反覆低回而擊節歎羨之不能已也公

世傳

出漢之世亦即日星五大女帝赫奕如雲山微交

開夫下

賜章紀畧跋

余讀弇洲史料所載前代盛典仁宣二廟優禮大臣
蹇義楊士奇等賜銀圖書以示褒美至今艷為異數
然其文不過獎勵之詞止于四字若乃烟巒逸趣上
徼

黼辰之賞心雲漢

天章俯映儒生之藻采讀今大司農滄州戴公賜章紀
畧不覺令人反覆低回而擊節歎羨之不能已也公

息齋集 卷三 三
敷歷中外著聲政事者不具論以英偉絕世之資博
物洽聞其爲詩文追古作者而復以其餘肆力于書
與畫皆爲一時擅場適際右文典學之

聖天子萬幾之暇篤志經史怡情翰墨于公孚若針芥
不禁懽同魚水公所進畫凡四十二幅自唐宋及元
諸名家無法不備所最當

上意者用元章米氏法爰錫公銀章章十六字且
親灑宸藻爲山水人物淋漓極致賜公纍纍作奕世珙

球之藏若以報也又若以式也嗚呼臣子懷才抱藝
而遭逢若此猗歟盛矣雖然

睿賞留連豈僅以六法之微哉公之受知于
聖明亦豈獨以米氏畫禪哉異日者垂之青史
聖主賢臣相得益彰于斯可想見也夫

跋柳敬亭傳

順治己亥歲予蒙恩假歸柳生敬亭來訪予耳生名垂三十年矣世皆以說書號之予亦初意其爲善說書者也因而傾聽數回益信其果善說書者也及生歛頤緘吻與之靜對終日其氣穆然其肝腸皎然其于聖賢道理更卓然有會予不覺撫几歎曰世之以說書號敬亭者失之遠矣昔屈原借離騷以洩其忠憤莊周借逍遙齊物等論以寓其曠達圓冥司馬

息齋集 卷三 五
子○長○借○史○記○以○發○抒○其○骯○髒○牢○騷○千○載○不○平○之○感○若○
敬○亭○者○直○借○說○書○以○譜○盡○古○今○成○敗○得○失○之○政○治○忠○
佞○貞○邪○之○人○物○真○欲○廉○頑○立○懦○回○世○道○人○心○于○抵○掌○
縱○譚○可○嗔○可○喜○可○歌○可○泣○之○間○而○僅○僅○以○說○書○號○之○
嗚○呼○失○之○遠○矣○

沈母王氏節孝編引

余少時流覽古今傳記每遇稱述節母孝子之事至
淋漓痛切處輒不禁感慨咨嗟爲斂容避席掩卷而
起曰吾恨生不逢其時目擊其人且得身爲史官當
大書特書不一書加之表彰使懿行媿德流聲聞于
無窮也今按吾邑沈母王孺人一生苦節暨孝子沈
臣終日孜孜汲汲爲其母遍求碑記詩歌以垂不朽
事余竊幸生逢其時目擊其人矣余又適備位史官

之○後○得○而○謹○書○之○以○佐○彤○管○而○樹○風○聲○矣○其○節○母○吞○
酸○茹○辛○歷○四○十○七○年○如○一○日○與○夫○孝○子○一○舉○足○一○出○
言○不○忘○母○節○孺○慕○依○然○上○有○當○道○褒○嘉○之○華○袞○下○有○
學○士○大○夫○歌○詠○贊○誦○之○連○篇○嗚○呼○是○母○是○子○真○足○不○
朽○也○已○余○何○庸○贅○一○詞○哉○是○爲○引

跋沈賁園海宴亭賦

三○吳○逼○處○海○濱○已○亥○之○役○中○外○震○號○而○吳○地○爲○甚○迄○
今○低○徊○海○宴○亭○畔○士○女○駢○闐○笙○歌○鼎○沸○回○想○震○號○之○
日○梁○公○之○殊○勲○偉○畧○豈○余○碑○所○能○紀○其○萬○一○哉○而○亦○
非○學○富○張○衡○才○邁○徐○庾○如○我○賁○園○沈○君○者○可○以○伸○紙○
揮○毫○罄○也○已

跋平遠堂記

平遠堂記曷爲乎作也○紀三韓○佟公之能有斯堂也○曷爲乎能有也○謂公能經國恤民賦不絀而民不困○其心平如水○則其所洞燭者遠○其政平如底○則其所規畫者遠○遠生于平○未有不平而能遠者也○故斯堂也○惟公能有之也○而豈徒頌公之葺廢舉墜○點綴名勝而已也○嗚呼○賁園氏之爲此記也○意亦遠矣○

